

Bahagian A: (5 markah)

Pilih perkataan yang seerti/seiras maknanya dengan perkataan yang bergaris bawah di dalam setiap item ini.

1. Bapa Salleh ialah seorang doktor.

guru
askar
tabib
kerani

2. Ibu pergi ke pasar dengan membawa sebuah bakul.

kotak
raga
dompet
peti

3. Semalam, Ali dan anggota keluarganya telah pergi berkelah di Sentosa.

badan
ahli
seluruh
orang

4. Kocek baju Kassim koyak.

Butang
Leher
Lengan
Saku

5. Di atas kek itu ada tiga batang lilin.

kayu
mancis
dian
lampu

Bahagian B: (5 markah)

Pilih perkataan yang berlawan/berpasang maknanya dengan

perkataan yang bergaris bawah di dalam setiap item ini.

1. Dia ambil hadiah pemberian ibu dengan gembira.

beri
angkat
pijak
buka

2. Kaki kiri pemandu itu patah.

belakang
kanan
atas
tengah

3. Kamal tidak berdaya mengangkat beg yang berat itu.

sukar
bulat
ringan
mampat

4. Mak Munah ada dua orang anak perempuan.

lelaki
betina
teruna
datuk

5. Bapa Salmah sangat gemuk.

gempal
malas
bengis
kurus

Bahagian C: (10 markah)

Baca potongan karangan di bawah ini dengan teliti. Kemudian, jawab soalan-soalan yang mengikutinya.

Pada hari Sabtu yang lalu, Maria sibuk membantu ibunya untuk mengemas rumah kerana kesokan harinya ialah hari lahir Maria

yang kesepuluh. Selepas mengemas, Maria membantu ibunya membuat kek hari lahirnya. Setelah siap adunan kek tersebut, ibu masukkan ke dalam ketuhar untuk dibakar. Bapa Maria telah pergi ke pasar untuk membeli barang-barang keperluan untuk majlis hari lahir Maria.

Setelah kek hari lahir itu siap, ibu memasukkannya ke dalam peti sejuk. Kemudian, ibu meniup belon. Maria membantu bapanya memasang hiasan pada siling dan dinding ruang tamu.

Kira-kira pukul enam petang, mereka selesai berkemas. Bapa Maria mengajak Maria dan ibunya makan malam di luar. Maria berasa sangat letih tetapi gembira.

1. Bilakah Maria akan menyambut hari lahirnya yang kesepuluh?
Maria akan menyambut hari lahirnya pada

2. Apakah yang dilakukan oleh Maria setelah mengemas rumah?
Setelah mengemas rumah, Maria

3. Apakah yang dilakukan oleh ibu Maria pada adunan kek tersebut?

Ibu Maria

4. Mengapakah bapa Maria pergi ke pasar?
Bapa Maria pergi ke pasar untuk

5. Apakah yang dilakukan oleh Maria semasa ibunya meniup belon?

Semasa ibu Maria meniup belon,